

9 Shonkwaghrroryh ne ne yodaghseghdonh ne rao-ni-konra, ne aoriwa jiroyanere thodade-nikonghrayeridondh raweronh eghnen-yughdon;

10 Ne kady jidekakhaghsyonh ji-niyenkahhewe ji-ni-kanadon, enwadon orighwakwekonh Keristusneh enskat-neh ensharoroke, dejaronh ji-nahhoden kayen ne karongh-yakeh, nokhony ji-nahhoden kayen ne onghwenjakeh, ken ony raonhhatserakonh:

11 Raonhhakeh ony tyuyenghdaghkonh yonkwayendaonh kanheghtsera, asekenh thao-nenneh yuderighwadadonh ji-nityawenhonh tho-nikonghronnyh raonhha raoyudenghserakwekonh roghson asekenh akwah thojenhha-yendakwenh raonhha ji-nitho-nikonghrodenh:

12 Kennayonkwayeren aedewadonghrennihheke ne raonwesenghtsera, ne ne tyutyerenghdondh Keristus yongwadewanotahkon.

13 Raonhhakeh ony nisc sewadewennodaghkonh oghnakenkeh nenwesewaronke nowenna ne norighwiyuonweh, ne norighwadokenghdy ne ne sewadaghskatsheera ethone jio-nenh oghnakenkeh o-nenh ony deseweghdaghkwe, o-nenh yetshirighwaghniradyh yekakwekonh ne Onikonghradokenghdy ne karharatstonh,

14 Ne nenne ne orighwiyu ne onkwanheghsera ne endewadaweyadaghkwe ji-niyore endewayeride jiseghshonkwaghnerenghsyonh (ji-nerawenhheyadonh,) ne ajhidewanendonde ne raonwesenghtsera.

15 Ne kady waghonny ony ne I-ih, jio-nenh Wakaranke diseweghdaghkonh ne Royanertserakonh Yesus, nokhony yetshinoronghk'wak ne ro-nonhhakeh akwekonh ne rodiyadadokenghdiokon,

16 Yaghdekaghtkawaghs jikwadonghrennighs kweyaghre jikaderennayenghs kwaderennayenny;

17 Ne na ne Niyoh ne Eghhjhidewayaner Yesus Keristus, ne Ranihhah ne onwesenghtsera, enwadon enghjhi-jon ne kanikonra ne ne kanikonghrowanenghtsera neony ensewariwaken juyudaghseghdonh ne raonhhakeh:

18 Ne na aodikara ne jisewaghronkatha o-nenh dekaghs-wathedonh; ne waghony aesewadokenghse ji-nahhoden yorharats ne jideghshakoronghyenhha, neony ji-nahhoden ne atshokowaghtsera ne na ne onwesenghtsera ne raowenghk ne rodiyadadokenghditserakonh,